



06 MAR, 2021

## Lapan Agrobazaar FAMA rekod nilai jualan RM11.9 juta

Sinar Harian, Malaysia

Page 1 of 2

### Lapan Agrobazaar FAMA rekod nilai jualan RM11.9 juta

**BESUT** - Lapan Agrobazaar Lembaga Pemasaran Pertanian Persekutuan (FAMA) di seluruh negara mencatatkan nilai jualan RM11,892,699.72 juta merangkumi 32,292 produk bagi tempoh berakhir Disember 2020.

Timbalan Menteri Pertanian dan Industri Makanan I, Datuk Seri Ahmad Hamzah berkata, daripada jumlah itu, sebanyak tiga lokasi Agrobazaar di Terengganu iaitu di Nyiur Tujuh, Besut serta di Chendering dan Permint Jaya di Kuala Terengganu mencatat nilai jualan sebanyak RM1,041,555.93 bagi tempoh Januari 2021 hingga Februari 2021.

Menurutnya, nilai jualan bagi Agrobazaar Nyiur Tujuh, Besut sahaja mencatatkan sebanyak RM125,705.69 sejak ia dibuka pada 1 Februari lalu.

"Agrobazaar adalah outlet peruncitan yang berperanan sebagai pusat pemasaran *one stop centre* dan promosi produk Industri Asas Tani (IAT) serta lain-lain hasil berasaskan per-

anian.

"Projek ini adalah satu entiti outlet runcit yang berfungsi menyediakan ruang pasaran kompetitif sebagai pusat jualan dan promosi produk IAT," katanya selepas lawatan kerja di Agrobazaar Nyiur Tujuh, Besut di sini pada Jumaat.

Hadir sama, Ahli Dewan Undangan Negeri (ADUN) Kuala Besut, Tengku Zaihan Che Ku Abd Rahman; Ketua Pengarah FAMA, Datuk Zainal Abidin Yang Razalli; Ahli Lembaga Pengarah FAMA, Datuk Ghazale Muhammad dan Ketua Pegawai Eksekutif FAMA Corporation Sdn Bhd, Faiz Afizi Mohamed.

Sementara itu, Ahmad berkata, pembangunan Agrobazaar Nyiur Tujuh adalah usaha FAMA untuk membantu usahawan tani, selain dijadikan hab pemasaran dan jualan produk tempatan bagi memberikan pendapatan lebih buat mereka.

"Agrobazaar Nyiur Tujuh dibina di tapak Pasar Tani Kekal di sini dan beroperasi se-



Ahmad (dua dari kanan) melawat Agrobazaar Nyiur Tujuh, Besut pada Jumaat.

tiap hari bermula jam 8 pagi hingga 10.30 malam dengan menawarkan sebanyak 4,200 SKU produk.

"Konsep Agrobazaar Nyiur Tujuh adalah *one stop centre* pelbagai produk industri makanan dan segar, hab jualan secara atas talian (*online*) dan lokasi *pick up point*, hab agro pelancongan bagi mempromos-

sikan produk keluaran tempatan serta sebagai segmentasi pasaran baharu kepada usahawan tani dalam memasarkan produk mereka," katanya.

Beliau berkata, FAMA telah membangunkan sebanyak 2,343 outlet pemasaran kekal dan separa kekal moden, antaranya Pasar Tani Kekal (PTK), Rural Transformation

Centre (RTC), Agrobazaar, Gerai Buah-Buahan Segar (GBBS) dan Medan Food Truck.

"Kesemua outlet pemasaran ini melibatkan seramai 50,189 usahawan bimbingan dengan perolehan nilai jualan sebanyak RM137.1 juta bermula awal tahun ini hingga akhir Januari 2021," katanya.



06 MAR, 2021

## Lapan Agrobazaar FAMA rekod nilai jualan RM11.9 juta

Sinar Harian, Malaysia

Page 2 of 2

### SUMMARIES

BESUT - Lapan Agrobazaar Lembaga Pemasaran Pertanian Persekutuan (FAMA) di seluruh negara mencatatkan nilai jualan RM11,892,699.72 juta merangkumi 32,292 produk bagi tempoh berakhir Disember 2020. Timbalan Menteri Pertanian dan Industri Makanan I, Datuk Seri Ahmad Hamzah berkata, daripada jumlah itu, sebanyak tiga lokasi Agrobazaar di Terengganu iaitu di Nyiur Tujuh, Besut serta di Chendering dan Permint Jaya di Kuala Terengganu mencatat nilai jualan sebanyak RM1,041,555.93 bagi tempoh Januari 2021 hingga Februari 2021.